



09. juli 2013

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqqutit: Riiskobimi - Immikkoortoq R3-mi katsorsaasarnissaq sunniuteqarluartumik:

1. Naalakkersuisut isumaqarnerlutik Riiskovimi Retspsykiatrisk afdelingimi immikkoortoq R3-mi katsorsaasarnerit naammattumik sunniuteqartartut?

2. Naalakkersuisut qanoq iliuseqarniarpat sunniuteqarluartumik katsorsaasalernissaq qulakkeerniarlugu?

(Inatsisartunut ilaasortaq Jens B. Frederiksen, Demokraatit)

Tunngavilersuut:

Naalakkersuisut qaammatip aallartisimalernerani Region Midtjyllandimi Riiskovimi Retspsykiatrisk afdelingimi pissutsit pillugut nassuiaasoqarnissaanik apeqqutiga akissuteqarfigaat. Danskite tusagasaqartitsiviisa allaaserisaanni arlalitsigut isornartorsiunerit tunngaviupput nassuiaasioqqusinermit.

Naalakkersuisut naapertorlugit, nassuiaammi takutinneqarpoq, ajornartorsiutit annersaat, kalaallit napparsimasut uninngavianni immikkoortortami R3-mi nassaassaangitsut. Tamanna eqqorlunilu eqqunngilaq.

Sulisut sakkortuumik qunusaaralutillu pissusilersortarsimanerannut tunngatillugu ilumoorpoq. Ajornartorsiut taanna R3-mi ”sukku tamaana pisartutut” taamaallaat oqaatigineqarpoq.

Paarlattuanik immikkoortortami R3-mi pisartuni ajornartorsiutit annersaat allamiipput. Immikkoortortami R3-mi, assersuutigalugu immikkoortortanut allanut naleqqiullugu ”tigusanit qimaasoqarnerpaasarsimavoq”. Aamma immikkoortortaq R3 tassaasimavoq, immikkoortortaq sullivinnut nakkutilliisuninngaanniit pinaveersaartitseqqullugu sakkortuunillu pisartunik



iluarseeqqullugu 2012-mi naalakkerneqartarsimasoq. Aamma oqaatigineqarpoq, immikkoortortaqarfimmi sulisut akunnerminni imminnut sakkortuumik oqaloriaaseqartut aamma immikkoortortaqarfimmi tassani sulisut allanut naleqqiullutik napparsimakulanerusut; aqqanilinnit ikinnerunngitsut, 2012-mi 34 %-iusimalluni.

Aamma nalunaarummi oqaatigineqartoq alla immikkut maluginiarpara – paasissutissiissut ernunamartuq: 2012-mi immikkoortortaq nakorsaqsarparasinngilaq /tarnip nakorsaanik nakorsaqsarparasinngilaq. Atorfik inuttaqaanngitsoq maannakut inuttaqalersimavoq, paasinarporli 2012-mi inuttaqsarmanngitsoq. Tassa imaappoq immikkoortortaqarfik nakorsamik/tarnilluunniit nakorsaanik pisariaqartitsisoqaleraangat aggersaasariaqartarsimavoq. Nakorsassaaleqineq – aamma immikkoortortaqarfinnik allanik eqquisoq – nassuiaammi allaaserineqarpoq ajornartorsiutitut annertuutut, immikkoortortami tarnip pissusaanut immikkut ilisimasalimmik soqsarmanngimmat, sulisut allat ilinniartinnissaannut killiliisimammat taamatullu aamma nakorsap napparsimasullu oqaloqatigiittarnissaannut killiliilluni. Aamma sulisut oqaluttuarput nakorsat ”aporfinngortarnerat” ajornartorsiutaasoq, napparsimasut pillugit oqaloqatigiittoqartariaqartillugu sulisut nakorsaq utaqeqqaartariaqartarmassuk.

Maluginiarpara immikkoortortaq R3, kisiartaalluni 2012-mi sulisunik ikilisaavigineqarsimammat tallimanik (ilaannakoortumik tamakkiisumilluunniit atorfiit ilaasa inuttaqannginnerat pissutaalluni?) taamatullu aamma immikkoortortaqarfik paarlatsinut aningaasartuutikinnerasaasimavoq naak sulisut napparsimasarnerat allanut naleqqiullugu qaffasinneraagaluartoq.

Nassuiaammi ilisimatitsissutigineqarpoq, immikkoortortaq R3-mi sulisut oqaatigisimagaat, immikkoortortami katsorsaasarnerit sivisuupilussuarmik ingerlasartut. Paasineqarsinnaavoq katsorsaasarneq piffissap sivisuup ingerlanerani ingerlanneqartartoq. Aammali paasineqarsinnaavoq, sulisut isumaat naapertorlugu SIVISUALLAAMIK katsorsaasoqartartoq, tassa imaappoq pisariaqanngitsumik sivisuallaamik. Isornartorsiuneq siusinnerusukkut tusarnikuuara ilaatigut illersuisunit taamaattumik isumaqaqqajaanarpoq nakorsanik amingaateqarneq sivisuallaamik katsorsaasarnermut pissutaaqataasarsimassasoq. Aamma pissutsit allat pissutaaqataasinnaalluarput.



DEMOKRAATIT
DEMOKRATERNE

Pisariaqanngitsumik siviluallaamik katsorsaanerit napparsimasunut imaluunniit Namminersorlutik Oqartussanut (nappasimasut uninnganerannut akiliisumut) iluaqusiinaviangillat. Taamaattumik Naalackersuisut qinnuigissavakka oqaatigeqqullugu, Naalackersuisut qanoq iliussamaarnersut sunniuteqarluartumik katsorsaasalernissaq qulakkeerniarlugu.

Apeqqutit akeqquneqarput tigusineraniit, ullut sulliviit naliginnaasut qulit qaangiutsinnagit.